



О‘ЗБЕКИСТОН RESPUBLIKASI NAMANGAN VILOYATI HOKIMINING QARORI

Namangan sh. Istiqlol ko‘chasi 57.

2021 - yil 30 - noyabr

384-6-0-Q/21

Namangan viloyati hokimligi

Ўзбекистон Республикаси Вазирлар Маҳкамасининг “Ўзбекистон Республикаси телекоммуникация инфратузилмасини янада ривожлантириш чора-тадбирлари тўғрисида” 2021 йил 19 ноябрдаги 699-сон қарори ижроси ҳақида

Ўзбекистон Республикаси Президентининг “Рақамли Ўзбекистон - 2030” стратегиясини тасдиқлаш ва уни самарали амалга ошириш чора-тадбирлари тўғрисида” 2020 йил 5 октябрдаги ПФ-6079-сон Фармони ҳамда Ўзбекистон Республикаси Вазирлар Маҳкамасининг “Ўзбекистон Республикаси телекоммуникация инфратузилмасини янада ривожлантириш чора-тадбирлари тўғрисида” 2021 йил 19 ноябрдаги 699-сон қарорини вилоятда ижросини таъминлаш мақсадида, Ўзбекистон Республикаси “Маҳаллий давлат ҳокимияти тўғрисида” Қонунининг 6 ва 25-моддаларига мувофиқ,

ҚАРОР ҚИЛАМАН:

1. Ўзбекистон Республикаси Вазирлар Маҳкамасининг “Ўзбекистон Республикаси телекоммуникация инфратузилмасини янада ривожлантириш чора-тадбирлари тўғрисида” 2021 йил 19 ноябрдаги 699-сон қарори ижро учун қабул қилинсин.

2. Ўзбекистон Республикаси Вазирлар Маҳкамасининг мазкур қарори билан:

Ўзбекистон Республикаси телекоммуникация инфратузилмасини янада

ривожлантиришнинг асосий йўналишлари этиб қуйидагилар белгиланганлиги:

оптик толали, радиореле алоқа линияларини ҳамда маълумотларни сақлаш ва қайта ишлаш марказларини қуриш, кенг полосали уланиш тармоғини ривожлантириш, мобил алоқа ҳамда бошқа замонавий технологиялардан фойдаланишни давом эттириш орқали телекоммуникациялар инфратузилмасини ривожлантириш;

таълим муассасаларида телекоммуникациялар соҳасидаги кадрларни тайёрлаш ва қайта тайёрлаш сифатини янада ошириш, таълим тизимига масофавий, онлайн ва виртуал ўқитиш технологияларини жорий этиш, онлайн курслар учун инфратузилмани ривожлантириш;

соҳада фаолият юритувчи тадбиркорлик субъектларига имтиёз ва преференциялар бериш орқали телекоммуникациялар соҳасида рақобат муҳитини ривожлантириш;

телекоммуникация оператор ва провайдерларининг ўзаро муносабатини тартибга солишни назарда тутувчи қонун ҳужжатларини хатловдан ўтказиш ва уларни қайта кўриб чиқиш орқали норматив-ҳуқуқий базани такомиллаштириш;

қуйидагилар:

2022-2024 йилларда Ўзбекистон Республикаси телекоммуникация инфратузилмасини ривожлантиришнинг мақсадли кўрсаткичлари 1-иловага мувофиқ;

2022-2024 йилларда халқаро ва давлат аҳамиятига молик автомобиль йўлларини мобил алоқа қамрови билан таъминлаш режа-жадвали 2-иловага мувофиқ;

2022-2024 йилларда ҳудудларда телекоммуникация инфратузилмасини ривожлантириш чора-тадбирлар режалари 3-16-иловаларга мувофиқ тасдиқланганлиги;

Ўзбекистон Республикаси ахборот технологиялари ва коммуникацияларини ривожлантириш вазирига янги телекоммуникация ва рақамли технологиялар имкониятларидан келиб чиқиб, 3-16-иловалар билан тасдиқланган кўрсаткичларга ўзгартириш ва қўшимчалар киритиш ҳуқуқи берилганлиги;

Ўзбекистон Республикасида 2023 йилга қадар телекоммуникация инфратузилмасини ривожлантиришнинг қуйидаги асосий мақсадли кўрсаткичлари:

халқаро маълумотлар узатиш каналининг ўтказувчанлик қобилиятини 3,5 мартаба ошириш, шунингдек, мамлакатнинг транзит салоҳиятини интернет трафик алмашинуви халқаро боғламаларида қўшимча учта уланиш нуқталарини ташкил этиш ҳисобига ошириш;

150 минг км. оптик толали алоқа линиялари қурилиши ҳисобига маълумотлар узатиш тармоғини кенгайтириш ва кўрсатилаётган телекоммуникация хизматлари ҳажмини ошириш;

барча аҳоли пунктларини Интернет жаҳон ахборот тармоғига кенг полосали уланиш билан қамраб олишни ҳамда барча вилоятлар марказларида бешинчи авлод тармоқларини босқичма-босқич жорий этишни назарда тутган ҳолда мобил алоқа тармоқларини янада кенгайтириш ва модернизация қилиш;

халқаро ва давлат аҳамиятига молик автомобиль йўллари мобил алоқа тармоқлари билан тўлиқ қамраб олишни таъминлаш;

маълумотларни сақлаш ва қайта ишлаш марказлари инфратузилмасини яратиш ҳисобига “булутли” ҳисоблашларнинг замонавий технологияларини жорий этиш;

оптик толали алоқа линияларини барча аҳоли пунктларига етказиб бориш ва уй хўжаликларининг камида 80 фоизини Интернет жаҳон ахборот тармоғига кенг полосали симли уланиш имконияти билан таъминлаш;

“Буюмлар Интернети” технологияларини қишлоқ ва сув хўжалиги, экология, саноат, транспорт ва коммуникациялар соҳаларига жорий этиш учун техник шарт-шароитлар яратиб бериш;

Телекоммуникация оператор ва провайдерлари Ўзбекистон Республикасининг ҳудуди бўйлаб қишлоқ аҳоли пунктларида ер остига ётқизиш ва электр тармоқларининг симёғочлари ҳамда юқори кучли таянчларига осиб йўли билан, белгиланган техник талабларга мувофиқ оптик толали алоқа линияларини қуриш ишларини амалга оширишлари мумкинлигини белгилаб қўйилганлиги;

2022 йил 1 январдан бошлаб йил давомида босқичма-босқич қуйидаги

тартиблар жорий этилиши белгилаб қўйилганлиги:

2022 йил I ярим йиллик якунига қадар халқаро телефон тармоқларида тармоқлараро уланишлар халқаро коммутация марказлари орқали, халқаро коммутация маркази ва унга уланган операторлар ўртасида белгиланган тартибда тузилган шартномалар асосида амалга оширилиши;

2022 йил якунига қадар маҳаллий ва шаҳарлараро телефон тармоқларида тармоқлараро уланишлар шаҳарлараро коммутация марказлари орқали, “Ўзбекистон телекоммуникация тармоқларини бошқариш республика маркази” ДУК билан уланган операторлар ўртасида белгиланган тартибда тузилган шартномалар асосида амалга оширилиши белгиланганлиги;

Бунда, тармоқлараро уланиш хизмати уланиш жойидан қатъий назар, белгиланадиган тарифлар асосида тақдим этилиши белгилаб қўйилганлиги;

Телекоммуникация операторлари ва провайдерларига 2022 йил 1 январдан бошлаб Интернет жаҳон ахборот тармоғига кенг полосали уланиш тармоқларини лойиҳалаш ва қуришда қўйидагиларни назарда тутиши:

маъмурий бинолар ва кўп квартирали уйларни камида 1 Гбит/с ўтказувчанлик қобилияти билан;

таълим ташкилотлари, соғлиқни сақлаш муассасалари ва бошқа давлат ташкилотларини камида 100 Мбит/с ўтказувчанлик қобилияти имконияти билан улаш белгиланганлиги эътиборга олинсин.

3. Қўйидагилар:

2022-2024 йилларда Наманган вилояти телекоммуникация инфратузилмаси ривожланишининг мақсадли кўрсаткичлари 1-иловага мувофиқ;

Наманган вилоятида телекоммуникация инфратузилмасини янада ривожлантириш бўйича 2022-2024 йилларда амалга оширилиши режалаштирилган лойиҳалар юзасидан чора-тадбирлар режаси 2-иловага мувофиқ тасдиқлансин.

4. Вилоят Мактабгача таълим бошқармаси (Х.Юсупова), Халқ таълими бошқармаси (Р.Исраилов), Соғлиқни сақлаш бошқармаси (А.Иминов), Ички

ишлар бошқармаси (А.Атаходжаев), Маданият бошқармаси (К.Сиддиқов) Наманган шаҳар ва туманлар ҳокимликлари 2022 йилдан бошлаб харажатлар сметаларида Интернет жаҳон ахборот тармоғига кенг полосали уланиш хизматларидан фойдаланиш (июнь-август ойларини ҳам инобатга олган ҳолда) ҳамда ички локал тармоқлар яратиш ва фойдаланиш хизматлари учун тўловларни амалга оширишга зарур маблағларни назарда тутсин.

5. Ахборот технологиялари ва коммуникацияларини ривожлантириш ҳудудий бошқармаси (Б.Нурматов) манфаатдор бошқарма ва идоралар билан биргаликда ўзлари қабул қилган меъёрий ҳужжатларни йигирма кун муддатда Ўзбекистон Республикаси Вазирлар Маҳкамасининг 2021 йил 19 ноябрдаги 699-сон қарорига мувофиқлаштиради ҳамда қарор талаблари асосида иш ташкил этсин.

6. Мазкур қарорнинг ижросини назорат қилиш вилоят ҳокимининг ўринбосари С.Султанов зиммасига юклансин.

Viloyat hokimi



Sh.Abdurazakov

Наманган вилоят ҳокимининг
2021 йил 30 ноябрдаги
384-6-0-Q/21-сон қарорига
1-илова

**2022-2024 йилларда Наманган вилояти телекоммуникация инфратузилмаси ривожланишининг
МАҚСАДЛИ КЎРСАТКИЧЛАРИ***

№	Кўрсаткич номи	Оптик толали алоқа линияларининг узунлиги, км			Кенг полосали тармоқ сизими, минг порт			Юқори тезликдаги интернет тармоғи билан қамров даражаси			
								Аҳоли яшаш масканлари, фоиз			МФЙ ва ПИ хоналари, фоиз
		2022 й.	2023 й.	2024 й.	2022 й.	2023 й.	2024 й.	2022 й.	2023 й.	2024 й.	2021 й.
1	Наманган шаҳри	190	380	404	14,3	22	42	92	100	100	100
2	Косонсой тумани	179	321	374	5Д	7,2	16,4	93	100	100	100
3	Янгиқўрғон тумани	335	401	468	7,2	10,2	21,5	95	100	100	100
4	Чортоқ тумани	440	427	516	4,6	6,7	14,8	94	100	100	100
5	Уйчи тумани	399	479	560	4Д	6,1	14,8	93	100	100	100
6	Учқўрғон тумани	415	498	582	4,1	6,1	14,8	93	100	100	100
7	Норин тумани	267	299	335	3,6	5,1	13,3	92	100	100	100
8	Наманган тумани	210	266	309	зд	5,1	11,8	92	100	100	100
9	Мингбулоқ тумани	378	454	530	4,6	7,2	16,4	93	100	100	100
10	Тўрақўрғон тумани	293	352	411	3,6	5,6	13,3	81	100	100	100
11	Чуст тумани	386	440	516	5Д	7,2	13,3	83	100	100	100
12	Поп тумани	501	475	587	5,6	8,7	18,4	70	100	100	100
ЖАМИ		3992	4792	5592	65	97,2	210,8	89	100	100	100

**) Кўрсаткичлар лойҳа-смета ҳужжатлари асосида ҳамда туманлар кесимида ўзгариши мумкин.*

Наманган вилоят ҳокимининг
2021 йил 30 ноябрдаги
384-6-0-Q/21-сон қарорига
2-илова

**Наманган вилоятида телекоммуникация инфратузилмасини янада ривожлантириш бўйича 2022-2024 йилларда
амалга оширилиши режалаштирилган лойиҳалар юзасидан**

ЧОРА-ТАДБИРЛАР РЕЖАСИ

Т/р	Лойиҳалар номи	Амалга ошириш механизми	Бажарилиш Муддати	Молиялаштириш Манбалари	Ижро учун масъуллар
1	Оптик толали алоқа линияларини кенгайтириш.	1. Наманган вилоятининг оптик толали алоқа линиялари билан қамров даражасини ўрганиш. 2. Барча аҳоли масканларини оптик толали алоқа линиялари билан таъминлаш бўйича 2022-2024 йилларга мўлжалланган чора- тадбирларни белгилаш. 3. Вилоятда 14 376 км. алоқа линияларини қуриш ишларини амалга ошириш: 2022. йил - 3 992 км; 2023. йил - 4 792 км; 2024. йил - 5 592 км.	2022 йил март 2022 йил апрель 2022-2024 йиллар	Телекоммуникация операторлари маблағлари	Ахборот технологиялари ва коммуникацияларини ривожлантириш вазирлиги вилоят бошқармаси (Б.Нурматов), телекоммуникация операторлари

Т/р	Лойиҳалар номи	Амалга ошириш механизми	Бажарилиш Муддати	Молиялаштириш Манбалари	Ижро учун масъуллар
2	Кенг полосали уланиш тармоқларини кенгайтириш.	<p>1. Наманган вилоятининг телекоммуникация инфратузилмаси билан қамров даражасини ўрганиш.</p> <p>2. Кенг полосали уланиш тармоқларини кенгайтириш бўйича 2022-2024 йилларга мўлжалланган чора-тадбирларни белгилаш.</p> <p>3. Барча аҳоли масканлари, ижтимоий соҳа (халқ таълими, мактабгача таълим, соғлиқни сақлаш, маҳалла фуқаролар йиғинлари, профилактика инспекторлари) объектларини юқори тезликдаги Интернет тармоғига улаш чораларини кўриш, жумладан:</p> <p>2022. йил - 65 024 порт; 2023. йил - 97 280 порт; 2024. йил - 210 844 порт.</p>	2022 йил март 2022 йил апрель алоҳида график асосида	Қурилмаларни етказиб берувчининг кредитлари	Ахборот технологиялари ва коммуникацияларини ривожлантириш вазирлиги вилоят бошқармаси (Б.Нурматов), телекоммуникация операторлари
3	Мобил алоқанинг 5G тармоғини ривожлантириш.	<p>Наманган вилоятида 9 та 5G стандартидаги мобил алоқа таянч станция ўрнатиш. Жумладан:</p> <p>2022. йил - 3 та; 2023. йил - 3 та; 2024. йил - 3 та.</p>	2022-2024 йиллар	Қурилмаларни етказиб берувчининг кредитлари ва мобил алоқа операторлари маблағлари	Ахборот технологиялари ва коммуникацияларини ривожлантириш вазирлиги вилоят бошқармаси (Б.Нурматов), мобил алоқа операторлари

Т/р	Лойиҳалар номи	Амалга ошириш механизми	Бажарилиш Муддати	Молиялаштириш Манбалари	Ижро учун масъуллар
4	Мобил алоқа операторлари томонидан кенг поласали мобил интернет қамровини кенгайтириш.	Наманган вилоятининг шаҳар ва туманларида 81 та таянч станция ўрнатиш ва модернизация қилиш. Жумладан: 2022. йил - 30 та; 2023. йил - 16 та; 2024. йил - 35 та.	2022-2024 йиллар	Қурилмаларни етказиб берувчининг кредитлари ва мобил алоқа операторлари маблағлари	Ахборот технологиялари ва коммуникацияларини ривожлантириш вазирлиги вилоят бошқармаси (Б.Нурматов), мобил алоқа операторлари
5	Wi-Fi зоналарини ташкил этиш.	1. Наманган вилоятидаги жамоат жойларида, аэропорт, вокзал, меҳмонхона ва бошқа туристик объектларда Wi-Fi зоналари ҳолатини ўрганиш. 2. Қўшимча 78 та Wi-Fi нуқталарини ташкил этиш: 2022. йил - 20 та. 2023. йил - 24 та. 2024. йил - 34 та.	2022-2024 йиллар	Қурилмаларни етказиб берувчининг кредитлари ва телекоммуникация операторлари маблағлари	Ахборот технологиялари ва коммуникацияларини ривожлантириш вазирлиги вилоят бошқармаси (Б.Нурматов), телекоммуникация операторлари